

民國汜水縣志

下
冊

民國汜水縣志

下冊

趙東階

總修

李青王娟孫劍

校點

汜水縣志

目錄

上冊〔一〕

卷一

地理疆域 沿革 山河 險要 古蹟 金石 風土 十景附

〔一〕

卷二

建置城 堤 官廨 屬署 學宮 祀典 書院 倉儲 郵政 選舉 新設局所 鎮 保 倉 區 村 寨

〔二七〕

開封汜水會館

卷三

職官秦漢至元職官表 明職官表 清職官表 民國職官表 服務地方公職人員表 歷代名宦

〔九七〕

卷四

賦役戶口 田制 賦法 漕米 灘租 雜稅 地方財務

〔一七一〕

卷五

教育教育行政 學校設置 教育經費表二國內外中學以上畢業姓名表

〔二一三〕

卷六

〔二三九〕

交通驛 郵 電報 電話 舟車 鐵路

卷七 [一二四三]

實業農 林 漁 牧 工 礦 商 物產

卷八 [一二五三]

人物 儒林 仕蹟 忠義 懿行 文苑 方技 隱逸 遊寓 仙釋 耆壽

下 冊

卷九 [三六九]

人物下列女

卷十 [四七一]

藝文上疏頌 示諭 記說

卷十一 [五四九]

藝文中序傳 碑表 雜著

卷十二 [六一一]

藝文下銘賦 詩歌

校記：

〔一〕原書卷一前附有照片多幅，因版相不清，故略。

汜水縣志卷九

人物志下

列女

宋

胡氏 金紫光祿大夫邁之女也。適宣義郎王嶼。嶼早卒，二子縉、縉俱在襁褓，胡獨居靜室，雖骨肉之親不得入，家人不相見者八年。崇寧間，遣奏於朝，旌表其門。舊志

明

路氏 遵路保民趙三妻。年二十三歲夫故，誓不再嫁，織紵以奉舅姑。幼子安，邑庠生。宣德九年以明經入監。孀居四十年，奉旨旌表。舊志

王氏 永寧保張倫妻。隨父任，娶山東黃縣王名女。夫故，王方妙齡，德性端莊，事姑方氏，孝聞，撫二歲子成立。弘治七年旌表。舊志

司氏 邑庠生張紳妻，縣丞謙之女。夫死，勵志守節，堅如金石。撫三歲子瀾成名。奉旨旌表。舊志

高氏 知印王方之妻。夫故年十九，家辛苦備嘗，教子入庠，舌耕爲養，年八十卒。舊志

顧氏 庠生魏聰妻。夫故年二十，止一女，父母勸其再醮，輒泣終日，依女爲命。年八十二卒。舊志

張氏 渭南令俊之女，舉人禹凱繼室。娶未年餘，凱卒。張年十九，或以年少無子，勸其再適。輒泣曰：『豈有父爲孝子，而女不能爲節婦者！』撫前子三人，不啻己出。能通經書，親爲教訓，夜則紡績伴讀。子平，嘉靖初恩貢，門亦饒廩。守節七十餘年，壽九十歲。當道表其閭曰『貞節之門』。舊志

高氏、賈氏 皆舉人趙應元之妾。夫故，教子孫讀書，科貢蟬聯，爲汜名家。當道旌之曰『嵩河雙節』。舊志

張氏 永安保民穆司禮妻。夫故年二十三，守節六十餘年。奉旨旌表。舊志

杜氏 祥符縣人，祖明爲右通政。杜年十七，適庠生何守儒。守儒病革，囑後事及杜。杜泣曰：『倘不諱，請自刎以明志。』及歿，遂欲如言。其父勸之曰：『汝上有垂白翁姑，下有孱弱小兒，汝死得矣，如仰事俯育何？』杜撫棺號曰：『吾當勉從父命，以報夫子。』一日翁疾篤，焚香請以身代。未幾，姑病瘳口噤，醫云不

治。杜靜夜焚香，割左股啖之，遂愈。不數年，翁姑相繼逝，杜以衣裹土築墳，三逾月始竣。教子登高讀書，選貢爲衡山令。封太儒人。萬曆三十一年，直指楊公上其事，奉敕建節孝坊。舊志

張氏 經歷馬思文妻。夫故年十九，守節六十年。奉旨旌表。舊志

王氏 邑庠生陳復清妻。復清物故，王慟倒地，三日不食，遂死柩側。奉旨旌表，縣令給匾曰『貞烈殉夫』。舊志

馬氏 邑庠生張鶴翔妻。夫故，欲以身殉，痛念姑老在堂，奉養無人，勉供甘旨，不辭辛苦。及姑病篤，割股啖之，姑病遂愈。萬曆三十三年，奉旨建坊，旌曰『妙齡節孝』。舊志

張氏 邑民靳朝禎妻。夫故年二十，守節五十餘年。萬曆四十一年旌表。舊志

韋氏 邑民白昂妻。昂早故，遺子孤幼，無期功強近之親，惟勤紡績，撫子登科成立。娶趙氏，生三子，登科尋歿。姑媳相依爲命，未幾，趙氏亦歿。韋瑩瑩老嫗，一貧如洗，嗷嗷三孫仰哺待命，苦心撫育，皆獲成人。年八十四歲卒。舊志

陳氏 庠生李天錫妻。年二十一夫亡，兒記在抱，陳傷慟幾絕，水漿三日不入口。姑與母以撫孤爲解，乃勉起鬻笥藏爲殯殮計。未幾姑歿，鬻宅營葬如禮，教子成立。

趙氏 渾源牧之韓妹，適孫士登。年甫弱髻，士登亡，子方襁褓，趙哀毀絕食。親串多方勸慰，始忍死撫孤，持家辛勤萬狀，尋致殷實。禮葬其姑。教子份學成，

中丁卯鄉試，任趙城令。封太孺人。時閭張堯仲署汜水教諭，贊曰：「節難言哉！有制於義而不渝，即有制於義而亦渝者。婦不必詩書之解也，何卓彼柏舟操也！」天啓四年旌表。舊志

趙氏 亦之韓妹，適庠生王咸。偕事二親無違忤。姑疾，卧床褥間，趙手奉湯藥，晝夜不倦。及病劇，焚香請以身代，潛割股肉，跪烹以進。邑令張應春聞而重之，豎碑其門，題曰「割股婦」。舊志

周氏 省祭愚之女，適庠生陳三畏。早喪所夫，矢志苦守，教子所學，所見所聞俱入邑庠。邑令張應春表其門曰「苦節教子」。舊志

戚氏 天津教授志道妹，幼適陳笏。笏故，無立錫，紡紆延日，以育幼子，人皆高其清操。舊志

范氏 邑民欽女，侯文選妻。文選早逝，家徒四壁，姑憐其少，欲奪其志。范即大慟求死，誓不改節。以女工供甘旨，舅有危疾，割股啖之得痊。邑令杜汝亮聞其事，憐其貧，給粟爲養，表其門曰「節孝雙全」。舊志

任氏 廩生李一龍妻。一龍中萬曆癸卯副榜，未及強仕即世。任年甫二十餘，遺子四人俱幼，雖有薄田，賦重差繁，尋以賠累消乏。任惟紡績，以供饘粥，四子皆得成立。孀居五十餘載以壽終。邑令旌其門曰「柏舟自矢」。副榜貢生李奮鵬，其孫也。舊志

李氏 儒士許嘉言妻。紡織茹荼，孝事孀姑。劉氏嘗患病，李禱神泣以身代，長齋終身。癸未八月初二日，寇破摩天寨，李誠兩媳杜氏、李氏曰：『勢難活矣，勿爲賊污。』蒙袂赴黃流。兩媳見姑既沒，抱子携女，隨姑而逝。李子仁痛母投河，不顧妻子胥溺蹈水救母。賊以鐵鉤挽之，持刀亂砍，曰：『汝何不救少婦，而援老嫗？』仁以母告賊，義而釋之。事聞，邑令高永光給匾，旌李氏及兩媳爲烈婦，許仁爲孝子。舊志

禹氏 監生懋仁女，增生司文英妻。崇禎十三年，歲荒多盜，兄嫂繼亡，遺孤子二，囑禹撫養。禹以舅姑年老，子姪幼孤，移居近城寨。姑舅皆患疫，侍奉湯藥，廢寢忘食，形體骨立。舅姑繼殂，夫亦沉疾，禹念時方擾亂，寄居別寨，堅志營葬，葬畢，賊遂據寨，人服先見。越一載，闖寇四起，邑令周騰蛟固守摩天寨，以禹夫精騎射，令相隨防禦。夫勸禹渡河，禹曰：『君顧自家父子，勿以我爲慮。』乃令子姪渡河。夫隨縣令，禹支家務，與夫饋食，賊猝至，爲賊所刃。舊志

賈氏 天社女孫也，適庠生韋希賢。希賢被賊殺於留村寨，賈先避居母家邢村寨。賊至，義不受辱，投寨下不死。賊復至，賈氏罵不絕聲，欲激賊怒，祈速死。賊刀刃叢刺，身無完膚而斃。舊志

司氏 庠生張璉妻。辛未春，璉大病將卒，司祝天願以身代，遂割股以療，璉竟愈。邑令周騰蛟給匾旌曰『血誠回天』。舊志

趙氏 彰德府教授策女，王賜蕃妻。避闖逆居摩天寨，圍急。子珙年十二，趙泣囑曰：『事迫，吾當死。汝慎避，勿使嬰害，以延先人嗣。』珙挽之不能。遂以裾蒙面投黃河死。舊志

王氏 閩鄉訓導安仁女，庠生白五采妻。事舅姑盡孝。闖賊破摩天寨，與媳陳氏恐被辱，攜手投河。陳遂歿，王漂數十里，支於河洲中。人望而救之，怒叱曰：『我白秀才妻，求速死，汝勿救。』言訖，遽就深處而沉。當道旌表，禹侍御好善題其額曰『烈節寒心』。舊志

梅氏 義民有才女，庠生王儉繼室。年十七，適儉甫二稔，儉故。梅號哭氣絕，欲以身殉。時前子元起甫四歲，梅生子元穆未離襁褓，姊謂之曰：『死節易，姑老子幼爲之奈何？』梅泣血勉從，苦節不二。及姑歿，祭葬靡不如禮。教二子俱入庠。邑令劉景陽旌之曰『柏舟矢志』。舊志

鄭氏 教授王升繼室。姑病危，醫療不效。鄭靜夜焚香，割左股烹熟和羹而進，姑食之遂愈。又鄭氏，即其姪女也，鄭聘爲前子國昌妻。因舅病疫三月不痊，鄭不令人知，亦割左股，裹餅餤五枚進舅，食之立起。前後嗣徽，邑令劉景陽表其門曰『閨門純孝』。教諭劉威表其門曰『一堂奇孝』。舊志

張氏 庠生王家瑞妻。居高家山寨，寨破罵賊不屈，賊殺之。其子惠民，子婦程氏，因賊殺其母，皆罵不絕口，並見殺。舊志

張氏 庠生孫如綿妻。如綿甫歿，即以死誓，勺水不入口者三日。家人勸其守節，張曰：『我無所出，將何所守？』後伺防閑少疏，將衣襦鞋裙縫結，自縊而死。

舊志

張氏 陳十知妻。夫故，家貧如洗，撫孤子奉龍，紡織餬口，苦節三十年。邑

令劉景陽旌曰『貞節』。

舊志

于氏 長葛于信女，適邑民李東成。生子應召，親授句讀。持家勤儉，自奉甚薄，而待師脯饌備極豐腆。子偶廢學，輒不食以督勵之。崇禎十六年，流寇破寨，罵賊而死。應召，歲貢生。

舊志

郭氏 吳孟倉妾。無所出，孟倉死，苦節二十年。賊破寨，率先投崖死。

舊志

趙氏 都察院吏陳禹謨妻。癸未八月，賊圍摩天寨，趙泣告天曰：『若寨破，惟求全節而死。』及寨將陷，携適周、適王二女，並孫小中與孫女貞惠五人聯袂投黃流。衆往救之，趙曰：『寧潔身而死，不必救我。』邑令鐘無瑕旌其門。

舊志

宋氏 庠生雲漢女，夏汝能妻。雲漢以孝著，宋亦孝事老姑。姑病積歲不痊，

嘗藥侍床，焦勞成疾。姑亡，痛哭殯身，聞者憫之。子之令，甲午副榜。

舊志

周氏 張令望妻。夫故守節不移。被賊執，佯從行，給河旁有藏金，賊俯首掘金，遽取賊刀殺之。衆賊嗔怒來擊，氏仍持刀力敵，賊傷一。投河而死。

舊志

傅氏 候選縣丞禹成龍妻。善事舅姑，勤儉教子。及摩天寨破，氏罵賊而死。

賊去，子鯤呼天號泣，求骸於萬尸之中，顏色如生，葬先塋。舊志

邢氏 庠生秉溫女，年十九適儒生郝鳴鳳。事舅姑以孝著。越五載，夫亡，遺子自新三歲。父母欲奪其志。厲色曰：『烈女不更二夫，況有子乎！』後流寇掠汜，氏負姑邢氏避難。姑年耄，囑氏曰：『汝逃，勿爲我所累。』氏曰：『姑若死，吾忍苟生！』適賊至，刃其姑，氏怒罵曰：『既殺吾姑，何不殺我？』賊義之，不忍加刃。罵愈厲，乃見殺於姑尸之側。舊志

彭氏 庠生李起龍妻。起龍歿，氏矢志撫孤。迨闖賊肆劫，避難河干，恐爲賊逼，遂投黃流而死。舊志

雷文耀季女 年十四，同孀母居摩天寨。寨垂破，欲投河，其家人挽留之。女曰：『爾等可活，我不可活！』自寨投黃流而死。舊志

安女 儒士皇肆女。賊破寨，罵賊不辱死。舊志

司女 槐雲坊民司安女。年十四，髮僅垂眉，有姿色。賊破城時，殺其父母，欲驅女去。女厲聲大罵曰：『死賊殺我父母，恨不生啖爾肉，豈從爾哉！何不速殺我！』賊露刃挾之，聲色愈厲，求死愈力。賊猶不忍殺，乃自延頸迎刃，頭已墜地，尸仍僵立不仆，賊衆驚去。時寨人共見其事，因立碑以旌其烈。舊志

陳氏 張珽妻。遭流寇亂，珽以身衛城，與賊戰玉門，中三矢不却，賊乃退。翼日，賊復糾餘黨攻破摩天寨，搜得陳氏，欲逼之。陳罵曰：『吾女子力不能碎爾

尸，終不向犬輩偷生求活。」遽奮身投河死。舊志

周女 父庠生才顯。崇禎癸未寇亂，同其祖母避走高家山，見勢迫，恐被賊污，自投於井而死。舊志

趙氏 沾化令名世女，廩膳生宋德盛妻。避賊摩天寨，寨破，赴黃流而死。舊志

王氏 周士俊妻。避賊亂遷摩天寨，後寨破被執，罵不絕口，賊怒分裂之。舊志

清代迄今

邢氏 增廣生三思女。幼適禹行善，甫二稔，行善以咕嚕致疾，病篤，氏焚香祝神，願以身代。卒不起，遶室悲號，持刀自刃者再，諸姊奪之，三日不食，諸姊哭慰之曰：『爾欲殉夫，奈遺腹未誕，如夫血胤何？』氏乃少進飲食。逾月果生男，辛勤撫養，冀其成立。姑以氏齡尚少，恐集蓼茹荼，鮮克有終。氏即長跪泣曰：『紡織亦可糊口，母可無慮。』至姑病瘵於床，供侍湯藥，洗滌遺穢，三易寒暑不倦。及姑歿，號絕竟日始蘇。因遭家不造，即一性亦不輕殺，化及鄰里。子都訓誨成業，順治初，膺恩貢選，任永城教諭，奉旨旌其閭。舊志

王氏 增廣生禹懋功妻。年十九夫故，哀毀終日，誓以身殉。幼子在襁褓，尚有遺腹，諸姑咸以撫孤勸勉。及產生，撫育成入，名昌期，補邑庠生。事舅姑以孝聞，守節五十年。壽六十八。縣學旌其門曰『節操可風』。舊志

焦氏 邑民牛景揚妻。事孀姑白氏必誠必敬，姑非氏食不食。後夫婦遇火災，景揚死，遺子四女一。氏月餘瘞時年二十九，焚香告天，矢終身不再嫁，以承夫志。姑卒，鬻田以葬。日夜紡績爲餬口計，目不交睫，子女俱成立。壽八十三，順治十五年卒。舊志

張氏 庠生孫謙之妻。歲癸未，流賊破其寨，氏即投井中。賊去，夫救氏出井，昏迷甚，誤認夫爲賊，復投寨下。又救之，半日方蘇，然已重傷，不能屈伸。後昇至河北獲免。舊志

張氏 禹宗舜妻。夫將屬纊，泣血絕食，誓以身殉。諸姊勸之曰：『汝若一死，如宗祀何？』氏鳴咽勉從。閱歷荼苦寒冬，縫紉指常流血。教遺腹子惟機，早年入泮，及摩天寨破，罵賊死。妻吳氏年二十三，矢志守節，與嫂梅氏共勵柏舟，訓子紱。及嫂子績與紱成立，一門三釐，芳聲著聞。康熙年，邑令吳壽祖旌其閭曰『苦節立孤』。吳年七十二卒。舊志

趙氏 陳哀直妻。夫因守城致感傷寒，二十日不汗，氏遠近延醫，投藥不效。夢言嚶語，皆守城事，既而病益篤，水漿不下咽者三日，口不復言，面無色。氏終日泣，不能食，乃夜入后園焚香告天，曰：『氏夫無嗣，危在旦夕，若不諱，是無陳氏也！』祝畢，引刀割股，和爲肉汁，灌入夫口，不逾時汗發如雨，尋大愈。邑令周騰蛟給匾旌之曰『割股愈夫』。學師劉威、李馨旌之曰『虔誠動天』。後得二子。

舊志

張氏 庠生凌霄女，適庠生趙嵩芳。年二十夫故，家業蕭條，百挫不怨。伯憐，欲再醮之。氏引刀自頸，乃止。闔學欲公舉請旌，氏力拒曰：「我之拙守，不爲沽名地也。」舊志

秦氏 河陰貢生淳女孫，荏楚喬妻。年十八夫歿，子幼，舅姑衰老。時明季流寇方熾，家中錢帛賊掠殆盡。隨舅姑避兵廣武陵北，數日乏食，氏忍饑逾嶺，擷蓬蒿子、雜豆屑煮粥以進，艱苦備嘗。生事死葬，始終弗懈。嚴於訓子，俾克成立，有和丸畫荻之風。守節六十七年，壽八十五。子澍，邑增生。孫念典，邑庠生。舊志

梅氏 監生禹琮繼妻。姑病，晨昏奉養，醫療不效。乃靜夜焚香，割左股和羹以進，姑食之即愈。年二十八夫歿，前妻兩妾暨氏所生共十三子，撫之如一。邑令吳壽祖旌之曰「賢孝貞良」。張國輔復給匾曰「節孝雙芳」。卒年七十六。舊志

禹氏 義民吳無私妻。年二十夫亡，子甫二歲，家貧如洗。氏仰事俯畜，取給織紵。舅姑衰疾，親奉湯藥，不辭污穢，孝敬倍篤。康熙三十一年十一月，舅病，患思椿芽。嚴冬沍寒，木葉盡脫。氏焚祝天地三日，內園中椿樹忽發數芽，氏摘取淪蔬以進，舅食之遂愈。閭里驚傳以爲純孝所感。及歿，祖父母、伯父母俱未葬，氏竭力經營，同歸窆窆。邑令張國輔給匾旌之曰「節媳松筠」。舊志

宋氏 馮吉妻。年十九，吉被寇擄去，遭男錄方在襁褓。立志守節，支持門戶，

幸苦萬端。午夜紡績，課子讀書，遂入膠庠。冰蘖之操，老而彌勁。舊志

李氏 庠生來詔女，庠生禹惟欽妻。寇破摩天寨，惟欽同縣令周騰蛟死難，無子。弟惟康五歲，氏撫養成立入庠。康熙三年，邑教諭劉以湛表其門曰『操嚴冰玉』。氏歿，惟康服斬衰以葬。舊志

王氏 儒士邢正妻。明季疫厲大作，舅姑與夫相繼亡，止一子元成甫三歲。氏立志撫孤，終身不易節。舊志

陳氏 郝鳴舉妻。姑病昏迷，醫藥不痊，氏割股煮湯進之。姑如夢初醒，曰：『我適纔恍忽中見有人授以藥劑，芳香撲鼻，飲之頓覺心眼俱豁。』病遂愈。舊志

吳氏 幼已許人，武舉某艷其色，欲娶之。誘父共賭，負多，不得已以氏許之。氏自刎死。乾隆時又有一烈女，未嫁夫亡，矢志不二。父母欲奪而嫁之，遂自縊，葬吳氏墓側。邑令謝益立碑以志。

司氏 儒童禹壽昌妻。姑病積月，屢醫不愈。氏焚香祈禱，割股爲羹以進，姑病遂瘳。舊志

王氏 選貢之臣女，趙嵩藥妻。年二十五夫故，繼又遭姑喪。孀然一嫠，壓而泣血，力營殯葬，必誠必敬。明季流寇陷城，氏携孤避亂，渡河者三間關，兵火中得免於難，人皆服其智略。教子以正，不事姑息，有孟母遺風。守節六十四年。雍正八年，被旌表人節孝祠。子秉衡，歲貢。孫廷瑄，舉人；廷琰、廷璘俱庠生；

廷圭、廷璋、廷瑄俱監生。曾元林立，詩禮斌斌，苦節之貽，休其食報者遠矣。舊志

李氏 庠生周大武妻。舅病，醫藥罔效。氏靜夜焚香祝天，割股和羹以進，舅食之即瘥。邑令吳壽祖旌其門曰『割股孝婦』。舊志

張氏 牛文宗妻。年十七夫故，無子。堅貞自矢，事孀姑焦氏，嘗割股療疾，人稱其孝，守節三十三年。舊志

周氏 庠生李延茂妻。夫故，堅志守節。姑王氏病久不愈，氏私誓神祇，願減己算以增姑壽，姑病遂瘥，享年八十有五。氏亦享年九十有一。天之報施，貞孝固不爽也。舊志

孟氏 禹成龍妾，歲貢鱗之母。年二十三夫故，矢志撫孤，歷六十二年。壽八十五。舊志

張二姐 邑民文光女。有袁繼世者，艷其色，夜持刀逼之，二姐大呼不從，被繼世戳死。康熙五十八年人節孝祠。舊志

張氏 江南吳縣人，禮科給事中禹謨之妾。隨任京邸，事太孺人李氏，先意承志。病篤親奉湯藥，百餘日不懈。相夫扶櫬歸里，經營喪葬，盡禮盡哀。越七載，給事病歿。氏即投環，為家人救蘇，勸以撫孤，乃含酸勉從。時己出子昌年尚幼，率元配許所出子歷年，繼配王所出子卜年，置祭田五十畝，春秋展祀。教子義方，親勤紡績，鄰里宗族有貧乏者，時周卹之，守節歷六十一年。邑令許勉燉詳請題准。